



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

# BASES REGULADORAS DO I CERTAME CREATIVO DE OVOS DE PASCUA

## INTRODUCCIÓN

Coa intención de fomentar a creatividade e tamén coa finalidade de promover a realización de actividades interxeracionais cos máis pequenos da familia, propoñemos celebrar este certame na época da Semana Santa, relacionándoo cun dos elementos tradicionais desta época como son os ovos de chocolate, os “ovos de pascua”.

Debido a que a situación actual da pandemia da COVID-19 continúa a facer recomendable a non realización de actividades presenciais e non podendo xa que logo plantexarse a realización de obradoiros presenciais coa infancia, pensamos en realizar unha actividade que nas horas de tempo libre do que disporán os menores de idade nos vindeiros días non lectivos ou vacacionais, nace tamén esta actividade como canle que permita converter estes tempos libres en tempos de ocio pensando tanto no colectivo da infancia como nas súas familias.

## 1 PARTICIPANTES

- **Poderá participar nesta iniciativas as nenas e nenos con idades comprendidas entre os 3 e os 12 anos de idade, sexan ou non residentes en Laxe.**
- **Cada nena/o, nominadamente, só poderá presentar un único debuxo de ovos de pascua.**

## 2 CATEGORÍAS DE PARTICIPACIÓN

Tendo en conta as diferencias en canto ós coñecementos, capacidades e habilidades dos menores de idade, **crearanse 3 grupos ou categorías de participación:**

- **CATEGORÍA INFANTIL: dos 3 ós 5 anos de idade.**
- **CATEGORÍA PRIMARIA1: dos 6 ós 9 anos de idade.**
- **CATEGORÍA PRIMARIA2: dos 10 ós 12 anos de idade.**

## 3 FORMATO

- **Para participar haberá que remitir ó Concello de Laxe UNHA FOTOGRAFÍA DO “OVO CREATIVO”.**
  - **Xunto coa fotografía deberanse remitir necesariamente os seguintes DATOS PERSOAIS DO/A NENO/A: NOME e APELIDOS, IDADE, CONCELLO DE RESIDENCIA E TELÉFONO DE CONTACTO.**

## 4 DOS PRAZOS e DA FORMAS DE PRESENTACIÓN

- **PRAZO PARA A REMISIÓN DE FOTOGRAFÍAS: dende as 08.00 horas do MARTES 23 de marzo ata as 14.00 horas do MÉRCORES 31 de marzo.** Todas as imaxes recibidas fóra das horas e días sinalados como límites do prazo, serán excluídas do certame.
- Haberá **2 MODALIDADES PARA A PRESENTACIÓN** das fotografías e envío dos datos persoais:
  - **POR MENSAXE DE WHATSAPP ENVIADO AO NÚMERO DE TELÉFONO DE NovasLaxe: 657 771 006.**
  - **POR CORREO ELECTRÓNICO** dirixido a: [cultura@concellodelaxe.com](mailto:cultura@concellodelaxe.com).

## 5 DO XURADO E DO PROCEDEMENTO PARA A VOTACIÓN

- **O xurado estará formado por todas aquelas persoas que emitan os seus votos por unha das seguintes DÚAS CANLES:**
  1. **PÁXINA DO FACEBOOK** do Concello de Laxe.  
Para emitir os votos deberase outorgar un “me gusta” na fotografía elixida.



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

### 2. POR MENSAXE WHATSAPP enviado ó teléfono de NovasLaxe: 657 771 006

Neste caso, para emitir os votos deberase enviar un mensaxe whatsapp co seguinte texto: **“VOTO O OVO CREATIVO DE \_\_\_\_\_(Nome e apelidos do/a neno/a)”**.

A través desta canle só será admitido un voto en cada unha das categorías: infantil, Primaria1 e Primaria2.

- **PRAZO PARA EMITIR OS VOTOS:** Dende as 10.00 horas do xoves 1 de abril ata as 11.59 do domingo 4 de abril do 2021 habilitarase a votación a través das canles sinaladas.

### 6 DO PREMIO

- Consistirá na **ENTREGA DUN DIPLOMA E DUN GRAN OVO DE PASCUA DE CHOCOLATE** ás nenas e nenos autores dos **“OVOS CREATIVOS”** que reciban máis votos en cada unha das categorías: infantil (3-5 anos), primaria1 (6-9 anos) e primaria2 (10-12 anos).
- O cómputo final dos votos farase do seguinte xeito: **SUMATORIO DOS “ME GUSTA”** outorgados a través da canle do Facebook do Concello de Laxe e dos votos individuais recibidos a través de **MENSAXERÍA WHATSAPP** ó teléfono 657 771 006.
- A entrega do diploma e do agasallo realizarase, sempre que sexa posible, o **LUNS 5 DE ABRIL** de maneira personalizada a cada nena/neno.

### 7 DEREITOS DE AUTOR

- O Concello, **resérvase o dereito de exposición, reprodución e publicación** das imaxes remitidas ó certame sen que medie ánimo de lucro e sen que, en ningún caso, poidan ser obxecto de compravenda.
- **En ningún caso**, serán **esixibles dereitos de autor** por parte do autor/a.
- **Cada persoa participante consinte que o Concello de Laxe faga públicos a través da súa páxina de Facebook e redes sociais, os datos facilitados para o certame**, agás o teléfono que, en ningún caso, será compartido.

### 8 PROTECCIÓN DE DATOS DE CARÁCTER PERSOAL

Os datos persoais recollidos durante o certame, serán empregados, unicamente, coa finalidade de xestionar e executar este.

**Tan só se farán públicos o nome e apelidos das persoas participantes, a súa idade e concello de residencia, así como tamén a fotografía ou fotografías que envíen ó certame, así como as que resulten do momento da entrega dos premios.** Estes datos faranse públicos a través da páxina web e redes sociais dependentes do Concello de Laxe.

De acordo coa LOPD, Ley orgánica 15/1999, de 13 de decembro, de protección de datos de carácter persoal, os datos persoais facilitados para a participación no concurso, serán incorporados en ficheiros dos que é responsable O Concello de Laxe. Estes datos serán tratados de xeito totalmente confidencial e serán usados exclusivamente para os fins expresados.

Se desexa exercer os seus dereitos de acceso, rectificación, oposición ou cancelación dos seus datos persoais que figuran nos nosos rexistros, por favor, solicíteo escribindo un correo electrónico a [cultura@concellodelaxe.com](mailto:cultura@concellodelaxe.com) ou enviando unha carta ó noso enderezo postal enriba indicado.

**9 A PARTICIPACIÓN NESTE CERTAME SUPÓN A TOTAL ACEPTACIÓN DAS BASES** por parte do/a neno ou nena participante, así como tamén dos/das seus/súas pais/nais e/ou titores.